

Arkivsak: 2024/801-1

Arkiv:

Saksbehandlar: Anne Silje Berg

Dato: 28.08.2024

**Saksframlegg**

Saksnummer	Møtedato	Utval
2024/73	24.09.2024	Formannskapet

**Høyring av gebyrforskrift, forureiningsregelverket****Vedlegg**

- 1 Lom kommune - Følgebrev til gebyrforskrift
- 2 Lom kommune - Gebyrforskrift forureiningsmynde - høyringsforslag

**Innstilling frå kommunedirektøren**

Formannskapet vedtek å leggje forskrift om gebyr for sakshandsaming og kontroll etter forureiningsregelverket på høyring i minst ein månad.

**Saksprotokoll i Formannskapet 24.09.2024:****Behandling**

Det kom ingen merknader til saka.

Innstilling frå kommunedirektøren vart samråystes vedteke.

**Vedtak**

Formannskapet vedtek å leggje forskrift om gebyr for sakshandsaming og kontroll etter forureiningsregelverket på høyring i minst ein månad.

## Saksutgreiing

Kommunen er forureiningsmynde etter forureiningsforskrifta kapittel 2 (opprydding i forureina grunn ved bygge- og gravearbeid), 12 (krav til utslepp av sanitært avlaupsvatn frå bustadhus, hytter og liknande), 13 (krav til utslepp av kommunalt avlaupsvatn frå mindre tettstader), 15 (krav til utslepp av oljehaldig avlaupsvatn) og 15A (påslepp av avlaupsvatn til offentleg avlaupsnett frå verksemder), og i forskrift om forbod mot bruk av mineralolje til oppvarming av bygg.

Kommunen er etter det same regelverket ansvarleg for å kontrollere at regelverket blir følgd. At regelverket ikkje blir følgt eller det er feil på anlegg kan føre til forureining av vasskjelder. Dette igjen kan gå ut over vasskvaliteten: Gje dårligare levekår for organismar i vatn, gjere vatn ueigna som badevatn og ikkje minst gjere vatn ubrukeleg som drikkevasskjelde for menneske og dyr.

Dette inneber at kommunen har ansvar for å sakshandsame og elles følgje opp ved tilsyn og kontroll:

- Opprydding i forureina grunn ved bygge- og gravearbeid.
- Utslepp av sanitært avlaupsvatn frå bustadhus, hytter og liknande.
- Utslepp av kommunalt avlaupsvatn frå mindre tettbygde område.
- Påslepp av oljehaldig vatn.
- Påslepp av feithaldig vatn.
- Forbod mot bruk av mineralolje til oppvarming av bygg.

Hittil har ikkje kommunen hatt anledning til å krevje gebyr for desse oppgåvene. Forureiningslova opnar for dette, jamfør § 52a. Denne forskrifta har difor som formål å gje kommunen heimel til å dekke kostnadane kommunen har ved sakshandsaming, tilsyn og kontroll som forureiningsmynde etter forureiningslova, forureiningsforskrifta og forskrift om forbod mot bruk av mineralolje til oppvarming av bygg.

Kommunelova § 15-1 seier at samla sjølvkost for ei teneste skal svare til meirkostnaden ved å yte tenesta. Forureiningsforskrifta §§ 2-12 og 11-4 seier at gebyra skal settast slik at dei samla ikkje overstig kostnadane kommunen har ved sakshandsaminga eller kontrollordninga, jf. forureiningslova § 52a, og at ramma for gebyra må fastsetjast i kommunal forskrift.

Gebyra kan finansiere alle naudsynte kostnadar knytt til gebyrområdet, mellom anna:

- Lønnskostnadar til tilsette som jobbar med tilsyns- og kontrollordninga
- Lønnskostnadar til tilsette som arbeider med sakshandsaming av nye utslepps-/ og endringsløyve
- Naudsynte lisensar/programvare
- Analysekostnadar
- Kurs/opplæring
- Køyretøy. Kjøp eller leige av køyretøy som kan brukast til tilsynsordninga
- Arbeidsklede og anna naudsynt utstyr

Gebrysatsane for 2025 vert utrekna i løpet av hausten og kommunedirektøren tek sikte på å fastsette gebyr for desse tenestene i gebyrregulativet for 2025. Dei konkrete satsane vil difor ikkje vere kjende før dette blir lagt fram til politisk handsaming.

## **Vurdering**

Lom kommune har fram til no ikkje hatt ei gebyrforskrift som dekkjer det arbeidet kommunen er pålagt å gjere som forureiningsmynde. Frå 2025 ynskjer kommunedirektøren å sikre finansiering av sakshandsaminga og kontrollen/tilsynet vi fører, og har difor utarbeidd dette forslaget til lokal gebyrforskrift.

Oppgåvene med sakshandsaming og kontroll/tilsyn blir utført dels av teknisk avdeling og dels av plan, byggesak og miljø, avhengig av type tiltak. Forureiningsregelverket har strenge krav, og kvar søknad blir gjennomgått og vurdert opp mot kriteria i regelverket. I tillegg blir tiltak også vurdert opp mot krava i plan- og bygningslova. Tilsyn og opprydding i avlaup er ei krevjande oppgåve som må planleggast og gjennomførast over tid. Til dømes er det i Lom mellom 500-600 private avlaupsanlegg som ikkje er kopla til det offentlege avlaupsnettet. Kvart år blir det gjeve nye løyve, både for etablering av heilt nye anlegg og oppgradering eller endring av eksisterande.

I 2023/2024 har det på plan, byggesak og miljø vore gjennomført kompetanseheving på fagfeltet gjennom utdanning på NMBU. Tilsvarande arbeid med kompetanseheving og kommunal forskrift blir gjort i fleire andre kommunar i Nord-Gudbrandsdalen. Staten har dei siste åra intensivert oppfølginga av kommunane på dette feltet, både for å auke kompetansen og for å sjå til at kommunane gjennomfører oppgåver vi etter lova er pliktige til. I 2022 vart det mellom anna gjennomført tilsyn med fleire av landets kommunar, deriblant Lom. Eitt steg i prosessen mot etterlevinga av lovkrava er å sikre at arbeidet kan finansierast etter sjølvkostprinsippet ved hjelp av gebyr.